

تاریخ مجری ۱۳۳۲

نومرو ۳۳

تاریخ رومی ۱۳۳۰

صاحب امتیاز و مدیرمسئولی
حسین شاهی

خبر الکلام

۸ شعبان المعظم

سرمدری :
احمد شیرانی

۲۰ حزیران

قل الخير والافاكت

دین و وطن خدمت، عزم و اصرار سید، نبض کوندری نشر انوار اسلام انجمن

الفردنده « فانوس خیال و وجود لطیفند شمع
حیاتی منطقی اولوب » ارتحال دار بقا ایله دیلر
تاریخ و فالتیرینه شاعر شیرین ادادن پیری بو
کونه شکر افشاندیر .

چون سفر باجته الفردوس شد
جنت الفردوس تاریخ اقتاد

ابن العارف نظام الدین

بر مدرسه اسلامیة

استاذ ممتازم !

محترم (خیر الکلام) ک یکر می ایکنجی نسخه سنده
مندرج مکتوبمده طشره لردکی علمیه و مدارس
اسلامیه نك احوال و اوضاعندن بحث و بیان
ایدیله جکی موعود ایدی . زوالی ، مصائب دیده
آناتولیده رجال علمیه و مدارس اسلامیه نك ،
روحسز بر حالدہ بولوندیغی اسان حزن و خجالتله
بیان ایتمه مقابیل اسکیشهره مربوط چیفته لرك
(مسعودیه) قریه سی اهالی حتمندانی طرفندن
قریه مزبوریه بر (مدرسه اسلامیة) انشاسنه
و مدرسه مزبوریه فاضل شهر حافظ عبدالرحمن
افدینك مدرس تعیین اولونوب شمدیلک خانه لرده
احوال حاضره ایله متناسب طرزده تدریسات
و تشریاته باشلانیدیغی و فاضل مومی الیهک وظیفه
مودعه سنه خارق العاده بر سعی و همت صرف
ایلکده اولدیغی ده بر زبان اقتضار و شطارتله
انظار عامه اسلامیة وضع و تشریر ایلرم اقدم .
۲۴ مایس سنه ۱۳۳۰ : بروسه طلبة علومندن

محمد عالم

خیر الکلام

کوبلورک غیرت دیندارانه لر شیایان تقدیر در ،
حافظ عبدالرحمن افندی طانیذیمز بر زاندر ،
موفقیتنی تمی ایدرز .

رحلت ایدوب ... » [۱]

مع هذا هدایه شارحی شیخ اکمل حضر تلیری
حقیقه ده افزون بولمغه شاعر احمد کریمه یانی
طیب حاذق حاجی باشا ایله بر لکده خدمت
و ملازم تلیرینه جان آتهرق پک چوق مستفید
اولدیلر . اکمل کل علمانک مقاربتک برکات
بی غالیایله مولانا فنارینک رخساره اهلیتی کلکونه
لطائف معارف ایله متجلی اولدوقده دیار روم
نزهت رسومه عودت ایستدیلر [۲] .

سلطان مستعد نواز کرم شعار غازی خدا
و نذکار حضر تلیرینک شایسته نگاه چشم التفاتلری
اولغین یدی یوز یتش تاریخده مناسرت مدرسه سی
احسان ، بده یدی یوز یتش بر سالدده قوجه
محمود افدینک یرینه بروسه قضایی قاضیلی ایله
کامران اولدیلر .

مشار الیه سکز یوز یکر می ایکی ده فریضه
ادای حج ایچون جانب حجاز مغفرت آیاته عزیمت
ایدوب عودت سنده صردن کچرکن ملک مؤبد طرفندن
قاهرده آلیقونه رق ، بر مدت اوراده تدریسه
مشغول اولمش ؛ بعده چلی سلطان محمد خان
جانبندن وقوع بولان التماس اوزرینه ، بو طرفه
عودتله ، سکز یوز یکر می سکرده سلطان مراد
خان نانی جانبندن بروسه ده قاضی و مفتی انام
اولمش ؛ و آتی سنه امور شرعیه بی کمال عدل
و حقانیتله اداره ایدرک ، مهام امور دولته دخی
کندیسیله استشاره و استفساد اولمشده سی . بیر
آرهلوق کوزلرینه عمی طاری اولمش ایکن ، بعده
شفایاب اولسیله مقام شکرانده ، سکز یوز اوتوز
اوچ تاریخنده شام جنت مشام طریقله ثانیاً جانب
حجازه عزیمت ایدرک ، ادای حج ایله عودت ایستدیلر .
سکز یوز اوتوز درت سنه سی شهر رجب

[۱] شقایق النعمانیه : جلد ۱ ص ۴۷ .

[۲] قاموس الاسلام ؟ جلد ۵ ص ۴۴۶ قرون
جدید تاریخ احمد مدحت : جلد ۱ ص ۵۷۴ .

حقوق مطبعه سی
مدیر مسئول
حسین شعی